

Top Classic cun Armon Cantieni

■ (cp) «A la riva da l'En», uschia il titel da l'emprim disc compact che Radio Rumantsch RR preschenta en la retscha Top Classic. Il portatun è deditgà cumplettaimain a l'ovra musicala dal cumponist ladin Armon Cantieni. Ils 10 da settember 2007 èsi stà 100 onns dapi la naschientscha dal musicist, pedagog da musica e cumponist Armon Cantieni, oriund da l'Engiadina Bassa e stà sesent a Cui-
ra. Là è el mort ils 8 da settember 1962.

Armon Cantieni ha laschè enavos in'ovra che cumpiglia 153 numers; chanzuns per chor, chanzuns da solo, cumposiziuns per orgla e per clavazin. Duas ovras sacralas pli voluminusas per chor, orgla ed orchester rumpan la classena da l'usità.

Armon Cantieni è surtut enconuscent sco autur da numerusas chanzuns per chor viril, maschadà, per chor da dunnas e da scholars. Questas chanzuns mussan che Cantieni n'ha mai snegà sias profundas ragischs en la tonalitat da la romantica tardiva. Ina vart main enconuschenta da Cantieni chatt'ins surtut en sias ovras instrumentalas ed en las ovras pli grondas per chor ed orchester.

Il disc compact preschenta in tagl represchentativ da l'ovra musicala dad Armon Cantieni. La registraziun è vegnida fatga a cha-



«A la riva da l'En» deditgà ad Armon Cantieni e il titel da l'emprim dc che Radio Rumantsch preschenta en la retscha Top Classic. MAD

schun dal concert da commemoraziun dals 24 da settember 2007 en la baselgia sontg Martin a Cui-
ra. Interprets: *Muriel Schwarz*, sopran, *Risch Biert*, clavazin, *Roman Cantieni*, orgla,

cantus firmus surselva (dir. *Clau Scherrer*), Chor da chombra Gloria Lemberg/Ucraina (dir. *Taras Hrudovyi*) e la Filarmonica de Stat Transilvania Cluj/Rumenia (dir. *Simon Camartin*).